



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 88. Congregationes Romæ a Papa, aut emendatæ, aut stabilitæ.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

tuensis Episcopus. IV. Antonius Maria Gallus patria Pisanus, Perusinus Antistes, postea Auximanus Episcopus, ac denique Presbyter Cardinalis tit. sanctæ Agnetis, & paulo post sanctæ Praxedis, Ostiensis Episcopus, sacrique Collegii Decanus. V. Constantinus Buccofocius Sarni in Piceno natus ex ordine Fratrum Minorum Conventualium Theologus, Presbyter Cardinalis tit. S. Vitalis, Vercellensis Episcopus. VI. Hieronymus Matthæi Romanus, Cardinalis Diaconus titulo sancti Adriani, dein Presbyter tit. sancti Pancratii. VII. Benedictus Justinianus Genuensis, Cardinalis Diaconus tit. sancti Georgii in Valabro, postea Episcopus Portuensis. VIII. Ascanius Columna Romanus, Cardinalis tit. sanctæ Mariæ in Cosmedin, postea sancti Nicolai in carcere, ac demum Presbyter titulo sanctæ Pudentianæ, & sanctæ Crucis in Jerusalem.

§. LXXXVIII.

Congregationes Romæ a Papa aut emendatæ, aut stabilitæ.

Idem quoque Pontifex hoc anno quædam edidit diplomata, quibus Cardinalium Congregationes a suis Prædecessoribus Romæ jamjam stabilitas aut emendabat, aut saltem immutabat; præ-

Sæcul. XVI.
A. C. 1586.

Onuphr. in
vit. Sixti V.
Joan. Bapt.
Luc. Card.
relat. Curie
Rom.

Sæcul. XVI præprimis vero sancti Officii Congre-
 A.C. 1586 gationem a Paulo IV. institutam, ac
 Bull. Const. 74. p. 667. postea a Pio V. reformatam ad ordi-
 nem longe meliorem redigebat, præ-
 cipiens, ut bis per septimanam, &
 quidem feria quarta in Conventu sanctæ
 Mariæ supra Minervam, & feria quin-
 ta præsentem ipsomet Papa confessus ha-
 beretur, eaque Congregatio saltem ex
 duodecim Cardinalibus a Papa selectis,
 necnon ex quamplurimis variorum or-
 dinum Theologis constaret, ibidemque
 causæ ob hæresin suscitatae agitari-
 entur: insuper Congregationem pro exe-
 quendis Tridentinæ Synodi decretis
 constitutam innovavit, novamque pro
 politico Ecclesiæ regimine erexit, quæ
 ex omnibus, qui olim summi Pontificis
 Nuntii erant, Cardinalibus, necnon ex
 Pontificio secretioris Senatus Ministro
 conflata esset: præterea ipsa etiam sacra
 rituum Congregatio huic Pontifici sua
 incunabula quodammodo in acceptis
 referre tenetur, eidemque incumbit, ut
 de difficultatibus, quæ circa ritus, con-
 suetudines, loci prærogativas, & san-
 ctorum Canonisationes emergunt, suum
 judicium proferat: hujus vero Curie
 præcipuum Caput est Cardinalis ætate
 antiquior, qui eandem semel in Mense
 convocat. Sub idem ferme tempus
 Sixtus V. quasdam alias instituit Con-
 grega-

gregationes, quibus aquarum, pontium, platearum, & fontium cura erat demandata. Denique ab eodem Pontifice erigebatur. I. Congregatio *Indicis*, ubi libri typis edendi examinantur, ac censura notantur. II. Congregatio, quæ vocatur *Consultativa*, pro sacræ Romanæ Ecclesiæ regimine, cui Cardinalis Nepos præest. III. Congregatio pro oneribus, & bono regimine, ubi querelæ, & vexationes subditorum exaudiuntur, atque usque ad ulteriorem rei decisionem causæ discutuntur: hæc tamen Curia sub Sixti V. Pontificatu ad novam normam redigebatur.

Præterea Congregatio de re monetaria hujus Pontificis sollicitudini suam originem debet, cui etiam jurisdictionem in Ecclesiasticæ ditionis nummos cudendos attribuit: denique de rebus in sacro Purpuratorum Senatu agitandis novam erexit Congregationem, quam sane summopere conspicuam jam dudum ante suam electionem instituere decreverat, simulque hujus Tribunalis Præsidentem nominabat sacri Collegii Decanum, ea ratione, ut ibidem de omnibus ageretur negotiis, quæ summus Pontifex ad hujus congregationis cognitionem esse devolvenda judicaverit, præcipue vero ibidem

Sæcul. XVI.
A.C. 1586.

Sæcul. XVI
A. C. 1586.

dem agitur de Episcopatum cessionibus, exactionibus ex redditibus Ecclesiasticis, aliisque ejusdem generis rebus: porro Præses hanc Curiam ad suum convocat Palatium, quando aliqua caussa ad hos Judices rejicitur. Ceterum Cardinales Nepotes, qui hodie rerum summa potiuntur, ex hisce caussis nonnisi admodum paucas ad hoc tribunal devolvunt.

§. LXXXIX.

Michael a Turre Valsasina mortuus.

Ciac. vit.
Pon. tom. 4.
pag. 76.
Gabut. vit.
Pii V.
Ughel. Ital.
Sacra.

Hoc etiam anno sacrum Purpuratorum Collegium quinque de suis Sociis mortuos plangebatur, quos inter primus erat Michael de Turre Vallis-Assinæ, seu Valsasinus Comes Utinæ in Foro-Julio ex illustrissima Valsasinarum Comitum familia natus, Parentesque habuit Ludovicum de Turre Comitem, & Thaddæam Strasoldiam porro Michael utriusque Signaturæ, ut vocant, Referendarius, perpetuusque Cenetensis Ecclesiæ in Venetæ Reipublicæ imperio Administrator nominabatur, demum vero hujus Sedis Episcopus electus, a Paulo III. Nuntius in Franciam ad Henricum II. decernebatur, qua etiam legatione sub Julio III. fungebatur: inde autem re-
dux Umbriæ Præfectus evasit, ac sub
Pio